



國家清史編纂委員會·文獻叢刊

清代詩文集彙編

國家清史編纂委員會·文獻叢刊

# 清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四九四

小萬卷齋文藁二十四卷首一卷小萬卷齋詩藁三十二卷小萬卷齋詩續藁  
十二卷附遺藁一卷小萬卷齋經進藁四卷（小萬卷齋文藁二十四卷小

萬卷齋詩藁三十二卷）朱 琿撰

小萬卷  
文彙  
高翔麟題

光緒十有一年秋八月  
重琴嘉樹山房歲板

小萬卷齋文彙

重刊小萬卷齋文集序

國朝儒術隆盛魁人長德繼世朋興而東南壇坫尤著  
乾嘉以來桐城姚姬傳氏賡望溪之緒以古文提倡後  
學天下宗之陽湖李氏申者兼討古義以規時務有意  
於經世之學者多取則焉方是時涇縣朱蘭坡先生崛  
起徽甯與姚李兩先生標幟相望以詞臣間居教授鍾  
山暨紫陽正誼書院垂三十年巖然為江左經師之冠  
風會為之日上自帖括之業興學者多不以通經汲古  
為務於是高材傑出者羣相奮為攷證沿訖末流支離  
附會其蔽或反與荒經者異趣同歸先生主講席時會  
小萬卷齋文彙

陳序

一

濟甯孫文定公督兩江安化陶文毅公撫吳中二公皆  
雅負時望以實學造士先生得自行其意不復仕進時  
輿石琢堂顧南雅吳棣華泊韓桂船尚書寶應朱文定  
公切劘談宴篇牘往還無虛日一時淵源所漸號稱極  
盛今散見先生集中者是也先生治經蒐討古訓不啻  
守一家之說恥為放言高論而必求其心之所安其為  
文若不事雕琢而原本經術要具有所根據覽者可以  
推知其蘊蓄之宏富與其性情之達易而平直也生平  
所著書有小萬卷齋詩文集

國朝古文彙鈔

國朝詁經文鈔文選集釋經文廣異說文假借義證通五六百卷咸豐中大半燬於兵燹惟古文彙鈔文選集釋向已刊行其小萬卷齋文集暨詩集若干卷已刻而燬先生從孫臧成迺復取而校刻之可謂善承其先緒者矣既蕆事以屬寶箴為之敘竊惟不敏奚足以敘先生之文顧嘗從先生羣從寬成交最久曩在金陵間獲與昔時者宿相接又嘗識先生之孫如圭回溯諸老風流服膺者彌至而又嘆先生著書充棟一且燼飛煙滅祇遺此區區者幸藉其宗族之賢僅乃復傳於世立言之不朽其果可恃乎哉此不獨為先生惜抑亦承學之士所同憾也其又能已於言乎若其文與古作者淺深離合之跡及桐城陽湖所以異同則其書之行於世者既久論定審矣光緒十有一年春正月後學義甯陳寶箴

小萬卷齋文集

陳序

二

序

涇縣朱蘭坡宮贊學術淹通文采煥發元於嘉慶十五年與同

國史館即深知之洎元奉

使出京聞宮贊忽謝坊局就館吳門奉養終制竟不復出夫紫陽書院大地也宮贊掌此垂二十年以指日館閣之聲華甘久坐臯比於經史使非以孝為之本以靜成其高何以能使多士師之如此壬寅夏因梁蔭林先生之招來揚州元因得見案頭寫本文一帙雖篇葉無多而可覘全量前數篇說經之作如腓字手弓諸解皆最徵實精確後半詮發節孝等事允為名教之用非空論也以此教士將見學者皆從真實處用力非徒以時藝科名為效若然則宮贊何自蚤退不自置身於通顯哉壬寅夏四月揚州阮元識於節性齋

小萬卷齋文集

卷首

阮序

一

時年七十有八

序

古有德行道藝之士不能大振率之權於今必能開覺  
牖之傳於後傳之遠近視乎擇術之尊卑而其至精惟  
於經用功最鉅顧說經者自周孔以來歷數千歲中間  
考證性命疏通文字之學類不能出漢唐宋儒者之外  
往往黜陟前人迭為升降異乎己者抑之同乎己者伸  
之甚且力造幽微馳心絕域欲闡發聖賢之語實則使  
聖賢啟迪後世引誘下學之衷晦而不顯攻經若此所  
謂賢為聖譯者奚取焉涇縣朱蘭坡待講於宗昉為同  
年交方其初入詞館已負盛名同時若白田朱詠齋士

小萬卷齋文集

卷首 李序

二

彥長樂栗茝隣章鉅吳中吳棣華廷琛顧南雅蕪皆以  
治經為業質疑問難多所講習而君與昉同出徐畫堂  
夫子門誼彌篤凡所為文咸獲觀覽今小萬卷齋詩集  
往來諸什猶可追疇曩之蹤跡也而尤服膺君詒經之  
作葢其持論醇雅不涉排擊攻訐之端而所以彰明軌  
跡於易遵之途者務平正通達俾後進知所適從由於  
至中而無弊其文章茂美則與漢唐宋儒頡頏後先未  
嘗墨守一家言淪沒於深峻迥遠而不可曉且嘗奉  
天子命校士齊魯所閱歷如秦岱之大江河之闊深無  
不涵泳方寸間時時嶽起而源匯焉其執藝而就正者

皆一時賢雋雖千百里外猶思得片言為之折衷悉殷

勤懇到如其分際以應之是不使古人之志有所晦而

不明尤不欲以己所得於古人者私諸己也今主講正

誼紫陽書院又十餘年吳門文學佩服師訓以明經為

務士風丕變文詞藹如桑梓之鄉知所則倣已宗昉在

壬戌同歲中年差少今已六十有一往時把臂論心諸

侶零落殆盡而南雅詠齋又皆謝去東南靈光之望非

君其誰與歸是以乘跣歸廬墓之餘一詣吳聞而握手

焉恐鄙吝之易生而歲月之不我與也而君乃諄諄以

文彙屬序昉烏足以序君之文惟相與游歷垂四十年

小萬卷齋文集

卷首 李序

三

同術同方既於出處大端僕指能悉即生平偶與一二  
人篇牘贈答亦幾口誦心維識其得力之所自而能道  
之則又烏可默而不言哉而今而後南北分途情話非  
易自愧謏劣不文未有以信今而傳後而君方顏如童  
聲如鐘筆如龍呼老彭而與伍永信好於喬松庶幾區  
區之言亦得附以不朽也夫時道光十有九年歲次己  
亥孟冬月山陽李宗昉謹

附沈西陲太守書

蘭坡先生執事一昨高軒枉顧快挹塵芬惟動勞起居殊深歎悚伏誦大箬詩文集如入寶山觀波斯藏燦煌眩轉舌橋不能下傾倒奚似中間攷訂諸作多有先獲我心者如言易彖辭爻辭皆用韻乾三爻終日乾乾與田人天淵韻說文引夕惕若夤夤亦韻初之潛龍勿用龍與用韻上九用九悔與首韻蒙昔撰易音補遺嘗主是說而乃與先生暗合竊喜心得之不謬先生又言鄭箋申毛而非改毛尤爲前人所未道蒙嘗竊病世之爲毛詩學者好與康成爲難徒揚子雍之波通人如休甯

小萬卷齋文集

沈書

四

戴氏尙所不免他更無論吾友陳君碩甫專疏毛傳竊恐他年鄭學遂微擬箸一書專疏鄭箋牽未果今先生能觀毛鄭之會通謂毛公訓詁用假借字鄭箋所改之字卽傳之假借字此不僅爲高密之功臣實爲趙國紹微言之中絕通哉言乎如此讀書則可無致遠恐泥之病而後儒之訾議漢儒者皆可無庸置喙惜濤侍教日晚不得與都講之列請疑問難而先生又遠動歸與之興音塵日遠何从開此茅塞耶鄙謏論語孔注辨僞一書謹呈削藁能得元晏之序以免覆瓿則更幸甚謹請起居不一一宣備沈濤手狀

自序

余早歲卽喜讀古文嘗加甄擇手鈔數十帙旋以應試攻制舉藝中輟旣入詞館律賦尤重益無暇兼及且知其難未敢輕執筆彼時又好爲訓詁之學窮日搜覽此事遂廢然終眷戀不忍去或退直偶一成章久之徇人請乞所製稍多積累至今乃哀而錄焉得廿餘卷當世言文駢體散體兩相競因兩相薄竊謂文不必拘定格惟從我性之所近用其長而已駢體須淵源魏晉母求纖新曩亦屢作意弗屬稟皆散佚而散體復分二派曰秦漢曰唐宋自前明王李倡興文主秦漢但摹擬未化

小萬卷齋文集

自序

五

徒苦詰詘震川歸氏嗤之近人奉其說若著蔡顧震川文雖高波瀾意度較唐宋名家往往不逮何則其力尙孱也頃又宗汪堯峰方望溪專貴簡削金必鍊而後能金玉必磨而後能潤理固宜然欲芟繁猥而無盤折流動之氣貫注於中丰骨不振弊亦差埒天下高才生眾矣旁支別派望壑而趨各著聲一時弁陋如余奚容更置末議特私心妄忖唐與宋正自有辨宋人工持論筆多直瀉及敘事則冗唐代古法猶存韓昌黎一二清便流轉之文蓋非其至者若夫鯨鏗春麗震盪心目斯稱奇崛柳子厚凌厲峭折每由選出外此李華梁肅杜

牧孫樵等胥樹幟壇坫生平篤嗜恆在乎茲高山仰止  
 原不敢以跛牂而思追騏驥也噫天僅賦駑鈍之姿繩  
 尺羈束摘藻匙華況牽塵網不克專所業而輒吮毫  
 研墨強與文藝譬諸椎髻野夫鹿豕爲羣一旦廁縉紳  
 驟語朝章國典豈不悖哉雖然凡人心力所及無論妍  
 媸縱傳之未必永而卽我身先委諸寂滅之鄉毋乃忍  
 甚故存此區區藉以自驗并藉以自勵其間有考證罔  
 知當否倘逢良友鑒其誠而牖其愚實符夙願爰將此  
 意揭諸端時道光十有八年歲在著雍闔茂之陽月涇  
 蘭坡朱珣自識於吳門紫陽書院

小萬卷齋文集

卷首 自序

六

小萬卷齋文集總目

卷一

賦十一首

卷二

釋七首 解六首

卷三

解二十六首

卷四

解四首 證一首 辨十首

卷五

小萬卷齋文集

卷首 總目

七

辨八首

卷六

考二首 校二則 說四首 議一首 書四首

卷七

書八首

卷八

序十八首

卷九

序二十四首

卷十



序二十首

卷十一

序二十七首

卷十二

序二十七首

卷十三

序二十三首

卷十四

跋十二首 書後八首

卷十五

小萬卷齋文集 卷首 總目

記二十一首

卷十六

記二十四首

卷十七

記十二首 碑記十二首

卷十八

碑記二十二首

卷十九

傳十三首

卷二十

八

傳十九首 書事四首

卷二十一

頌三首 贊十七首 銘十五首

卷二十二

神道碑銘一首 墓碑銘四首 墓碣銘三首

墓志銘七首

卷二十三

墓志銘十七首 墓表二首

卷二十四

行略三首 行狀一首 哀辭二首 祭文三首

小萬卷齋文集 卷首 總目

九

步墀

維垣

蔚元 男鼎元總編 孫男應坊分校

葆元 之埴

如圭

小萬卷齋文集目錄

卷一

聖駕臨雍賦

南苑圍獵賦

駕幸天津賦

北郊賦

靈臺儀象賦

玉泉山賦

擬潘岳射雉賦

擬謝朓高松賦

小萬卷齋文集卷一目錄

擬喬潭羣玉山賦

擬集賢院山池賦

海棠花賦

小萬卷齋文集卷一

涇 朱珩 蘭坡

聖駕臨雍賦

謹序 嘉慶九年

臣謹案辟雍之設古與明堂太學靈臺同處所以行

禮樂宣德化教導天下之人使爲士君子也京師自

元明以來有國學而無辟雍

高宗純皇帝御極四十八年始

命酌古準今穿池引井新建園水工既竣

親臨其地闡揚

聖訓薄海嚮風翕然帖服

小萬卷齋文集卷一

皇上重道崇儒率循弗怠羹牆炳著日月輝光臣等與

觀禮之末自慶遭逢不揆譎陋敬奏斯賦其詞曰

於穆

聖清治功丕茂文教遙成輕刑罰偃甲兵普九州之紉

誦隆三宅之俊英猷宣日贊道樹風聲布衣韋帶璘玢

大費

皇帝曰朕時庸講學於茲庠序令典式遵彝倫攸敘四

極之外應不我拒乃徵賁鼓設業虞佻焉祁祁焉而

臨雍之儀是舉粵若稽古三宮同列雙觀並張七里之

內斯立五經之文所藏規其外明德之當圓矩其中明

行之當方定其位則郊西國南之或異辨其義則明和  
積壅之宜詳水左旋以象天縈海流之湯湯矚翠華之  
戾止須造舟而為乘節觀者於四面飛振鷺而成行厥  
荆名於蒼姬餘波沿乎漢唐

國家騰精震且握紐乾符甄陶虞夏參攷典謨維  
純皇帝溯統緒於先聖施褒稱於碩儒亦既新作  
文廟壯觀

上都乃淵然深思辟雍之制傳諸在昔其不可以闕而  
弗圖昭陽始春闕逢屆冬鳩工庀材罔不肅雍對若北  
隅有列其墉石累犖犖井汲沆瀣方壺亘而周長虹引

小萬卷齋文集

卷一

二

而上陞六級兮埽霓殿七楹兮序豁重筓鏐鏐飛檐  
獻翼以崇廓崢嶸轆轤洞觀宙合若在戶闔

皇帝念

成烈之昭宣厘

舊章而續述緝熙耀乎光明夙夜基乎宥密

躬臨教宮谷爾輔弼禮官戒期

乘輿乃出騁文螭駕翠虬冠通天之冠懸日月之旂役

豐隆之轟闐鳴和鸞之啁啾衛士扶輦都民夾騶蓋

帝車未沔於賢闕而袴裳連襪跂足而望幸者紛載弁

之倅倅

天顏冲邃於焉釋奠祗謁

素王兩廡胥遍庶尹駿奔酌爵侑簋靈迟迟兮來降豈  
精禋於登薦摩挲鼎彝成周所范宵窅精圓椒駁躡  
靈文山文尙存模範岐陽獵碣文若响嚙十鼓無缺或  
凹為臼推尋邀速飭餼貫柳欽

睿製之新鐫燦九天之星斗其旁則豐碑林立屢最寵  
從蓬婆滴博塞築蠟螭見

聖祖平定朔漠之功焉茫茫青海嘯聚夔犢鞭箠咎之  
不折棘菴見

世宗奮揚西域之勳焉金川回部準葛伊犁倏睽走徙

小萬卷齋文集

卷一

三

獻其馭駉見

皇考威武布昭震聳乎象寄譯鞞焉展禮告備爰憩左  
个司成率六館髦士頓首來賀然後至於辟雍之上進  
諸生而論經廣鞞鐸之吞訪研珠填之奧突祈折衷於  
至當先鄭後鄭大戴小戴解頤折角縱橫無礙鏡上古  
之粹精芟末流之蕪穢笑虎觀之雄談敞罔而未之能  
逮問難既窮斂袂而退

天子於是釋仁義之微指敷道德之令辭天人之蘊悉  
殫中和之理永垂金聲玉振溢於

丹墀下之楮紳霧集羽林雲攢園橋而聽擁水而觀及

夫朝鮮使臣琉球世胄僉鼓舞而臚歡颺言曰休哉  
等涵泳

聖涯巍乎煥乎如親炙乎杏壇斯時也鈞樂六莖崇牙  
三組登歌於樂膺受多祐洄風正翔麗日初煦翫芹藻  
之紛披欣菁莪之率聚錦鱗軒鯖威鳳拂羽遂發

德音沛

渥恩嘉公卿之眇論洽需雲於瑤樽青衿增類宮牆日  
繁四氏陪祀裕及後昆莫不束脩砥礪思效策於集賢  
之門則有縫掖之子私於石渠史臣曰竊聞辟雍者與  
諸侯行禮之區兼王者乞言之義大射建侯鄉飲斯備

小萬卷齋文集

卷一

四

襄尺參連以時習肄若夫尊三老重五更祝鯁祝噎如  
父如兄親袒割而授几尤莫盛於永平何今茲之不行  
也史臣曰子徒泥方策之軌迹而未知

昭代之儀型何異測海而以蠡撞鐘而以莛饗射之禮  
姑未暇陳獨不見

純皇帝之勒於貞珉者乎夫老更之說辨論斷斷或謂  
周知德事或謂取象星辰蔡邕班固言皆一人杜佑通  
典亦遵而循執虛文以逞臆而自忘其文辭之不雅馴  
且永平之事又何足稱紀冠帶以億萬終荒誣而失徵  
我

朝敷右文之杓枋咀修道之菁華博士騰驥繽紛天聽  
以故

聲教所暨東踰若木西越流沙南探火正之墟北際冰  
天之涯羌鎬京之無思不服猶難得而爭誇近者秦蜀  
掃除氛翳訊誡受成感

德懷

惠要荒萬里遣子入學者相繼雖貔貅之將卒競投戈  
而講藝舞羽舞干興孝興弟此誠上咸五下登三千載  
一時之規制也至於兕觥之獻鳩杖之賜羅氏棄人春  
養秋食飴背熙恬各適其志而豈如桓榮伏恭之徒必

小萬卷齋文集

卷一

五

炫耀於辟雍之地哉語未既縫掖之子拜而謝曰  
盛皇舉事三才兼綜奎壁揚其輝霖雨儲其用彼羣言  
之拘墟徒絲棼於聚訟幸依

上聖之光願作終身之誦抽毫援簡繫之以頌頌曰思  
樂辟雍流波沈溶旋如璧兮仰惟

帝臨嘉惠藝林開

講席兮

欽明文思昭晰不疑隨指畫兮趨踰市樓百禮孔皆垂  
玉冊兮鴻都刻經駢羅樞星瞻  
遺澤兮雲漢

天章敷錫載揚光絕赫兮翼翼成均四門用賓應徵辟  
兮尊師尚賢

鴻寶億年永無斁兮

南苑圍獵賦 詩序 嘉慶十一年

臣聞之魯詩曰古有梁鄒天子獵之田也賈誼新書  
亦以為囿者天子之囿虞者囿之司獸者也蓋苑囿  
之設因蒐田而肄兵旅三代以還典至鉅矣

國朝沿元明之舊增葺

南苑每歲春間順時行圍

高宗純皇帝御製海子行又復考訂源委秩然不紊

小萬卷齋文集 卷一 六

皇上祇承

家法弗懈益虔貌貅侍從之臣仰惟

聖武布昭四海宜謚且推原

開創伊始最重騎射萬年遵守其勿可忘豈猶夫子虛  
上林長楊羽獵徒侈游畋之娛而已哉 臣謹鋪其事

而成賦曰

皇帝御寓十有一載

湛恩被乎方州

德威加乎薄海夏屋熙恬春臺樂愷禮義為干櫓忠信

為甲鎧

厘武衛之時奮數軍實而無念香山樵業盤山歲蒐材  
官旰分鬪士贏倍迺攬林垌營爽塏擊廣場之邁迤溯  
幽渚之淪匯莘莘焉將將焉而

六飛臨乎

南苑之所在在昔元開其基明拓其址飛放之泊下馬  
云止迤南有臺瞭鷹孤峙繚垣所周二十里暨

昭代之龍興因振頽而脩境儼神皋之隩區凌金城之  
高雉堤塍相轄咻啜若砥垠堦擴其莽叢廢空櫺其隋  
隄聯椽乎熊羆駢田乎犀兕奉宸守其界藩待

聖主之鞭弭中有五海環乎曠原瀦而成翠壑紆而過

小萬卷齋文集 卷一 七

紅門沿澗輪運沕滴盪渾圍河之委鳳河之源九十四  
泉二十四園時疏而淪或廢不存葦蒲霧散鳧雁雲屯

淫淫與與爛爛溫溫聚華實之上腴洵碩大而滋蕃時  
則圓象熹微曜靈明靄和風微扇遠景無堪西山爽氣  
在我襟帶盞夸條之連卷籠翳卉之蔚蒼翔鷗起而跋  
跋流鶯鳴而噉噉氣蒸膏動踰溝越澗土方居勞酒

新霽

天子念振旅之為嘉會也特驟黃駟排紫軼鎗鸞鈴羃  
鳳蓋駢隱陸離騰驤沛艾屬車鱗萃肅陳郊外繞獵相

接鴻網直馳七駟先駕四校以隨或施重帟或擁大綬

或帶湛盧或冠駿驤或司表貉或告介廉蘭爲防而駭  
逕葛爲藜而緜繼

天仗羅於互堰衛兵出於通達兩翼立表各執其旗警  
中軍之晉鼓惟總尉之所指麾爰召中黃之黨古冶之  
儔匿野張畢彌天設罟翼以待發犇而自投羣駭駭而  
觸歷紛駭駭而躡蹂羌前跽而後跋恰左旋而右抽

帝克禹勤

天錫湯勇盧矢鋒鈺唐弓力重待期門與伏飛咸意駭  
而神悚虜威爲之護持勾芒爲之承奉控不虛機決不  
旋踵及飲羽於虹梁尙起趨而盆涌於是乎乃縱獵焉

小萬卷齋文集

卷一

八

火烈具舉絕赫輝燦電母揚鞭風伯鼓橐九天垂絳千  
山如灼虓虎之陳依於蘄薄狂趨獷發儂佻距躍故示  
暇以驚人迴馱駮而盤躑引當前於尺咫倏兔起而鶻  
落俄逡巡而入規復踳踳而稍卻嶽嶽雕隼橫空直搏  
載獫狁獮乘隙而攫蓋其馬籠僮束爲雲早之所網結  
者曾不可以計度若夫連珠之所掃剛罽之所射竿爰  
之所批叉蒺之所磔文禽鏃羽狡獸折箠由驪達羈洞  
胸關屬旣策騎而身先又角力而手格扼土狎之吭拉  
梟羊之鶻叱咤暗鳴凝獫辟易遂使嗒然失勢驟焉蹶  
魄封豨菟菟以周章合利颺颺而怵迫盈衍於巖壑充

物於草澤鋤銳挫芒委如邱積別有軼材僑蹇起於莽  
蕭牙如錯鋸鬣若叢影鬪長槍而狂吼銜飛鏃而捷趨  
何神怪之獨異供烏獲之擊擗殷輪將割取其血管雖  
刳割之已多尙繁弱之未弔方將排礮薄索絡幕攻剽  
拗怒少息秉炬侍獠而  
天子曰吁朕惟順天道以蒐狩不殫物以遊宴禮成三  
驅網開一面且恐騏驎之煩殆卒伍之勞倦除韎韞脫  
皮弁罷獵而還至乎

幄殿謁

元靈宮詣德壽寺帶霓形壯纖縵光賁增桴重桴鞞鞞

小萬卷齋文集

卷一

九

相次欽

祖蹟之留貽佑羣生而布利

行宮則

裕性有軒

陶春有室

古秀

澹思竚窳層出芸編優游于焉

駐蹕烏絲擘牋青鏤持筆攷一畝之泉分贍雙柳之樹

密荷甄陶於化工入

奎章而洋溢然後算獲命禽犢勤頒胙羽林趨踰諧類

桂桓千官扈從振振如鷺稱吉日之篇詠舉柴之句

英聲載飾式我

皇度蓋簡車徒習行陣實治國之大務也且夫

皇清受命肇基海東

太祖以功懋

太宗以德崇十三甲堅大小白雄用芟涉於山林追捺

鉢之遺風迨有天下百數十年

聖

聖相承善繼善述未嘗一日忘乎詰戎都門之南爲文

王之靈囿恆行圍於其中今

小萬卷齋文集

卷一

十

上嗣統握茲綱紐懷柔雕題迅掃迹風潢池弄兵蠢爾

嶠負折箠笞之虺瘡其首羣慝簫勺跣跣恐後宜泰華

可以爲陞江河可以爲藪震日域而厭月窟詎止吞雲

夢者八九洵哉岐陽甫草不足云比于上蘭乎何有頌

曰成周卜虜得俊傑兮蛛蝥之視解瑣結兮於鑠我

皇時校閱兮曰師予

祖德秉樞極兮

躬親哨鹿踵

皇考之軌轍兮非從禽是戲勞佚其有節兮

仁恩及物葭蓬苗兮赳赳之夫干城列兮億萬斯年

武烈兮

駕幸天津賦

謹序

嘉慶十三年

代

臣聞臨民十二古典攸稽子姒而還畿內吏民歲時

必見又祭坊庸以彰以泄土反水歸蜡陳祝辭厥制

鉅焉我

皇上統握乾符諸福駢蕃三輔近地後望

龍光殷若葵藿迺惟著雍執徐方春令和祗謁

東陵對揚

前烈禮既成

轉運淀河

小萬卷齋文集

卷一

十一

相度隄插功以大稔若夫展義宣風黎庶景慕

釀化旁洽昭垂無極凡屬羣工咸有所作紀述上儀

濫玷華資蒙

恩襄事禮闈弗獲扈從區區微忱鬱而未摠竊敢自忘

鄙弁鋪之成賦拜獻

丹旃用章顯

盛德於萬一其詞曰

滄溟之隅有擊壤古氓負黃綿嬉白醉跂青郊瞻

紫輶造侍輦秀髦而請事曰蒙聞几籛稀韋陰康粟陸

以前泊乎含粹憺乎葆淳澶淵澶澶中惟細梅廣厦之

安伊者建極天綱浮涵繫股肱是力狂章虞余各率其職蓋大帝三十七篇皆庚辰伯翳之所佑助而成冊也今

天子宵旰劬躬求衣覽章底定之績著於河防

闔澤既敷元氣沉礪然猶決陂潢而相汨

厘畿輔之保障磬鼓藥鋪

親課厥功得毋過勞

聖躬與秀髮乃盱衡揚眉忻然而言曰君子所稱殆以折楊皇考欲擬鈞天之法曲疏林瑩燭而捫夫杼木龍燭也昔者軒轅西至空桐北逐董弼披山通道乘樞駕

小萬卷齋文集

卷一

三

輦緬堊玉之游河感昂精而斯現五老扶笻榮光流綉有嬌膺圖告禮幸洛復壇奧而沈海封兆還於川嶽初慮朱于應時而作

皇帝御宇十有三載甄唐毓虞灑沈澹雷雷渤解以爲壽量巫閭以爲福基五百里甸服藉銓所供倍喁喁焉延頸舉踵企

雲日之輝放古天津析木爲舍尾十斗七劉流相跨苞絡瀛鄭咽噓濱棟宅朔易之神泉鎮雄藩而拱衛其水則高津徒駭逆入混澗東淀西淀匯而盈澗湮礪石之寬屈受桑乾之欲趨大小清河七十有二派別子牙形

成丁字萃二運之噴騰至三空而湊會暨鮑邱與牯牛羌難得而殫記徵諸桑欽之經班固之志疏委滄源燦焉大備此皆編舳之所洄漩溝塍之所灌溉鮪鮪聳聳而揚鬚鷓鴣離離而鼓翅菱芡芡蒲蘆藉被麗然而蹶泮之泉漲可稽天溟墟之壑淤可成陸闕而不行驕而不降漉漉泔泔澈淡沈溶魚莊蟹舍或出沒乎其中皇時繹思予其勤止依濊口而培庫導奔淙而順軌溯宋遼之宛虹閱數嬪而全坵塞一堞於漏卮庶竈畫之能弭爰乃建太常揚

翠華商角驂乘飛黃首塗

小萬卷齋文集

卷一

三

日觀初發煙郊載驅液雨雷蔓喬雲捧附鵠鷗而弄吭麋雉垂而綴鬚盧溝之涘涿鹿之區綺綰繡錯承帝車越燕陲與趙際實公孫之舊都廣惠度其梁安福維其鱸萬頃一碧浮空若無時將移棹於津城也閭闔之外繞獵甸甸金墉墻寬鐵鹿揜揜喜樂糝賈居商行擴斥鹵於原隰滲牢盆而有麻雜薨蟲之登俎結纓筓而緝細郵程邈迤及楊柳青

義聲被乎陬溼走莘莘而回趨凡胎萌喙跋蠡躍而羔跪者菴翺乎莽食之坳夫其長隄纏聯雉影言言千有餘里達于河間格障遙續上接三難做斗門之呀豁襟



鳳窩而帶龍灣鹿瞳斯暢鷹嘴亦堅

頒帑金使營構

敕置吏使討論綠圍垣而似礪豈半粟之可穿我

皇則築地規天觀時順民奉香澤元舛蠻吉蠲崇祠鐫

鐫躩踞蟻蟠對若峯客之特萃髡若薺藪之高騫靈祀

退而來鑿叱支祁如蛭蟻洪濤既網纖塵不動深洩漕

川連山龍旋飛芻輓粟二倉頻壅蔚汙於九圻紛轆

轉而納穗青黎白壤孟奠甌鞏然後樓登滄波寺瞻望

海鬱律置宮岷峴屨市影沙碧石朗然平砥貢琛之航

浮島來儀是乃

小萬卷齋文藁

卷一

古

聖天子樹非常之功以通神明而布愷悌者也雖廣費而殫勑又烏可已何必拱默若懷葛噓吸若喬松始足為理哉語未既有載筆大夫揖而進曰子徒見奉璋執勺所至為幸而不知

謨烈顯承之當省也徒見撐茭健竹屢增鉅萬而不知

湛恩龐鴻之重異也與其首山稷下遠稽古帝何如祇

承於

祖制與其河渠溝洫糾紛不諦何如折衷於

聖製粵惟永定中亭灤漢分注筐港建瓴外扞逾固屢

最雄峙衙衙龍護

聖祖於是成閩務焉勝汾河駛石溝臺峻滹沱濁流不入  
入寧晉枝幹相交涸涸深浚

世宗於是勤

清問焉

純皇延禧

吳綽同覆芥園寢功金門回溜捷地興濟

躬臨指授虞塘灤之窟窪避沮洳而匡救抒

睿藻兮焜煌直探源乎星宿欽

洪業之克續運

宸謨而彌懋肆夏懷柔八徵輻輳陟嶽降原是圖是究

小萬卷齋文藁

卷一

古

允神人之胥協卜習祥而應候且夫格裸

珠邱祭畢先告

天垣省方迪惟

彝教至孝也獨租緩離疊荷

溫綸燕羅鴈豆養優粟緒蕩滌瑕垢肆敎雜竿至仁也

迎

鑿獻賦方領為羣菁莪育材膠鬲玠璘至文也法詰戎

兵水陸按部

六飛初閱百夫莫禦駭駭駭駭分城虎至武也

上惟是緝熙基命恭儉茹真